

ARTICULI

EIVSDEM EPISTOLA AD
IO. MATTAEVVM
GYBERTVM.

SCILICET hæc etiam nostrorum summa malorum
Defuerat Gyberte, mea ut tu sola voluptas
Eriperere mihi longinquas missus in oras?
Saltem ego si tecum consors, sociusque laborum
Venissem, non infelix mihi, diisque uiderer
Inuisus penitus. tibi si non utilis essem
Consiliis, quando ante alios te maxima Pallas
Edocuit, mentemque aspirat Iuppiter altam.
At tamen hæsissem lateri fidissimus unus
Vsq̄ue tuo quascunque oras tecum ire paratus.
Ipse ego prima uicæ tentare pericula possem,
Perque niues altas uestigia figere primus,
Quæ tuto mox tu quires seruare sequendo.
I tamen, et magnis de rebus comminus altos
Pro patria intrepide reges affare, decusque
Tutare Italiæ, libertatemque tuorum,